

Headline	Kami juara		
MediaTitle	Harian Metro		
Date	13 Jul 2016	Language	Malay
Circulation	1,270,667	Readership	3,812,000
Section	Arena	Page No	64
ArticleSize	395 cm ²	Journalist	MUHAMMAD
PR Value	RM 46,503		



Pasukan OFA atasi TUDM pada cabaran TNB Liga Hoki Pulau Pinang

Muhammad Suhaib
Mohd Shapiee
sukan@hmetro.com.my

Georgetown

Pasukan bekas pelajar Old Free's Association (OFA) muncul juara pertandingan TNB Liga Hoki Pulau Pinang 2016 selepas menumpaskan Tentera Udara Diraja Malaysia (TUDM) pada perlawanan akhir di Stadium Hoki Universiti Sains Malaysia (USM), baru-baru ini.

Perlawanan akhir itu berlangsung sengit apabila kedudukan terikat 4-4 hingga tamat masa sebenar perlawanan sebelum OFA menang 4-2 menerusi penentuan penalti.

Ketua pasukan OFA, Ezuan Ghazali berkata, ia kali pertama pasukannya menang selepas lima tahun menanti kejohanan hoki itu diadakan di Pulau Pinang berikutan tiada penaja sebelum ini.

"Kami mendahului TUDM



PEMAIN OFA merayakan kemenangan selepas muncul juara kejohanan TNB Liga Hoki Pulau Pinang 2016.

menerusi jaringan Muhamad Fahmi Zakaria dan tiga gol Izwan Firdaus Zakaria, tapi mereka tidak mudah menyerah kalah apabila mengikat kedudukan 4-4 hingga tamat perlawanan sebelum kami menang 4-2 menerusi penentuan penalti.

"Saya puas serta bangga dapat membantu pasukan dalam kejohanan rasmi seperti ini kerana sebelum ini kami hanya bermain dalam kalangan bekas pemain hoki sekolah sebagai acara tahunan untuk mengeratkan hubungan silaturahim.

"Kami mengambil masa lima tahun untuk membentuk pasukan hoki OFA kerana masing-masing mempunyai komitmen kepada keluarga dan kerja, tapi cara permainan dapat diserasikan melalui kekerapan mengadakan perlawanan persaha-

batan dengan pasukan di seluruh negara," katanya.

Kemenangan itu membolehkan OFA membawa pulang wang tunai RM3,000, plak dan piala kejohanan yang disampaikan Presiden Konfederasi Hoki Malaysia (MHC) Da-

tuk Seri Subahan Kamal. TNB menyumbang RM50,000 kepada Persatuan Hoki Pulau Pinang untuk menganjurkan pertandingan sepanjang tahun ini, sekaligus mampu memartabatkan sukan hoki serta mencungkil bakat baharu.